



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1491/11
Sarajevo, 14.10.2011. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17-10-2011

Organizaciona jedinica	Klasifikaciona oznaka	Redni broj	Broj priloga
01-50-1		15-7	11

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 163. sjednici održanoj 5. i 10.10.2011. godine, utvrdilo je Odgovor na pitanje koje je postavio Salko Sokolović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 06-50-1-1491/11
Sarajevo, 10.10.2011. godine

Salko Sokolović, poslanik u Predstavničkom domu Parlamentarne skupštine Bosne i Hercegovine, na sedmoj sjednici Predstavničkog doma održanoj 27. jula 2011. godine, postavio je sljedeće poslaničko pitanje:

„Prema saznanju članovi Upravnog odbora Uprave za indirektno oporezivanje imaju naknadu za svoj rad u Upravnom odboru oko 3.700,00 KM. Pitam da li je to tačno i tražim da mi se dostavi odluka kojom je utvrđena naknada članovima Upravnog odbora Uprave za indirektno oporezivanje.“

Na postavljeno pitanje, Vijeće ministara Bosne i Hercegovine ja na 163. sjednici održanoj 5. i 10. 10. 2011. godine, utvrdilo sljedeći

ODGOVOR

Odlukom o utvrđivanju visine naknade članova Upravnog odbora Uprave za indirektno oporezivanje i posmatrača broj: UO -051104/06 od 05.11.2004. godine, bila je utvrđena visina mjesečne naknade za rad u UO UIO članovima UO iz reda stručnjaka, u visini tri prosječne plate zaposlenih u institucijama Bosne i Hercegovine za prethodni mjesec, dok je za posmatrače iz Brčko Distrikta i Centralne banke BiH ova naknada iznosila mjesečno 50 % naknade članova UO UIO BiH.

Odlukom o izmjeni i dopuni Odlike o utvrđivanju visine naknade članova Upravnog odbora Uprave za indirektno oporezivanje i posmatrača broj: UO 1704/69/2007 od 17.04.2007. godine, visina mjesečne naknade za rad u UO UIO članovima UO iz reda stručnjaka, utvrđena je u visini tri prosječne plate zaposlenih u Upravi za indirektno oporezivanje za prethodni mjesec, dok za posmatrače iz Brčko Distrikta i Centralne banke BiH ova naknada iznosi mjesečno 50 % naknade članova UO UIO BiH.

Prema prosječnoj isplaćenoj mjesečnoj neto plati u Upravi za indirektno oporezivanje u julu mjesecu 2011. godine od 1.210,80 KM, izvršen je obračun mjesečne naknade članovima Upravnog odbora Uprave za indirektno oporezivanje iz reda stručnjaka (Vijeća Ministara BiH, Federacije BiH i Republike Srpske) za avgust mjesec 2011. godine u iznosu od po 3.632,40 KM, kao i posmatračima u istom (Brčko Distrikt i Centralna banka BiH) u visini 50% naknade članova UO, odnosno po 1.816.20 KM, a čija isplata će uslijediti ovih dana.